

Láhka (2009:724) ríjkasj unneplågoj ja unneplågogielaj birra
/Fábmuj boahtá I:2010-01-01/
Gájkkásasj biejadusá

1 § Dán lágan li biejadusá ríjkasj unneplågoj, ríjkasj unneplågogielaj ja tjuottjudusguovloj birra ja riektá birra unneplågogielajt ávkkit tjuottjudusfábmudagájn ja duobbmostávlájn, ja märrádusá muhtem välggogisvuodaj birra ávddåskåvlådåjman ja vuorrasijhuvson.
Lágan li aj biejadusá lága adnema dabelijtjuovvoma birra.

2 § Ríjkasj unneplågo li juvdára, roma, sáme, svieriksuoibmelattja ja duornosliegegá Svieriga välggogisvuodaj milta Europaráde rábmakonvensjávná hárráj ríjkasj unneplågoj suoddjima birra (SÖ 2000:2) ja europalašj njuolgadusá ríkkadajva- jali unneplågogielaj birra (SÖ 2000:3).

Giellalágan (2009:600) diededuvvá ríjkasj unneplågogielia li suomagiella, jiddisj, meängiella (meänkieli), románagiella (romani chib) ja sámegiella.

3 § Tjuottjudusfábmudagá galggi gå la dárbbo sjehtesláhkáj diededit ríjkasj unneplågojda sijá rievtesvuodaj birra dán lága milta.

4 § Giellalágan (2009:600) diededuvvá sebrudagán la sierra ávddåsvásstádus suoddjit ja ávddånahttet ríjkasj unneplågogielajt.

Sebrudahka galggá ietján aj ávddånahttet ríjkasj unneplågoj máhttelisvuodajt anodit ja ávdedit kultuvrasa Svierigin. Mánáj kultuvralasj identitehta ávdedibme ja unneplågogielasa ávkkim galggá sierraláhkáj ávddånahteduvvat.

5 § Tjuottjudusfábmudagá galggi ríjkasj unneplågojda vaddet máhttelisvuodav bájnatjít ássjíjn ma sidjíj guoski ja guhkás máhttelis rádedit unneplåhkoávdåstiddjíj dakkár ássjíjn.
Tjuottjudusguovlo

6 § Tjuottjudusguovllon suomagiellaj li kommuvna Botkyrka, Eskilstuna, Váhtjer, Hallsthammar, Haninge, Haparanda, Huddinge, Håbo, Giron, Köping, Bájil, Sigtuna, Solna, Stockholm, Söderälje, Tierp, Upplands Väsby, Upplands-Bro, Uppsala, Älvkarleby, Österåker, Östhammar ja Övertorneå.

Tjuottjudusguovllon meängiellaj li kommuvna Váhtjer, Haparanda, Giron, Bájil ja Övertorneå.

Tjuottjudusguovllon sámegiellaj li kommuvna Árjepluovve, Árviesjávrrie, Berg, Váhtjer, Härjedalen, Jåhkåmåhkke, Giron, Liksjuo, Máláge, Suorssá, Lusspie, Straejmie, Ubmeje, Vuaultjere, Åre, Älvdalén ja Luvlieluspie.

7 § Ietjá kommuvna gå ma diededuvvi 6 § máhti diededime manjela bessat suomagiela, meängiela jali sámegiela tjuottjudusguovlluj. Märrádusáv vaj kommuvnna galggá tjuottjudusguovlluj oadotjot bessat, válldeduvvá ráddidusás. Ráddidus oadotju biejadusájt tjuottjudusguovlluj diededit dakkár iesjmiedogis sábrrama birra.

Riektá suomagielav, meängielav ja sámegielav fábmudagájn ávkkit

8 § Aktugattjajn la riektá suomagielav, meängielav ja sámegielav ávkkit ietjasa njálmasj ja tjálalasj aktavuodajn tjuottjudusguovlujn man geográfafalasj doajmmabájkke állásit jali muhtem mudduj aktan gullu unneplågogiela tjuottjudusguovlujn. Dat gullu ássjija gánnå aktugasj la oassebiele jali oassebiele sadjásasj, jus ássjen la tjuottjudusfábmuudahkaj tjanos.

Jus aktugasj suomagielav, meängielav jali sámegielav ávkkii dakkár ássjen, la fábmuudahka vielgen njálmasj vásstádusáv sämmi giellaj vaddet. Aktugattjajn gejn ij la juridíjkalaasj viehkke, la vil riektá ádnoma manjela oadttjot tjálalasj járggálimev ássje märrádusás ja märrádustjielggimis suomagiellaj, meängiellaj ja sámegiellaj.

Fábmuudahka galggá ietján aj rahtjat aktugattjajt ietjasa giellaj duosstot.

9 § Tjuottjudusguovlo álggolin la aktugattjajn riektá suomagielav, meängielav ja sámegielav ávkkit njálmasj ja tjálalasj aktavuodajn tjuottjudusfábmuudagáj ássjijn gánnå aktugasj la oassebiele jali oassebiele sadjásasj, jus ássje máhttá giehtadaláduvvat barggijs gudi unneplågogiela bukti.

10 § Aktugattjajn la agev riektá suomagielav ja sámegielav ávkkit tjálalasj aktavuodajn Rijkabiejeve oahttsij. Dan láhkáj la aj aktugattjaj tjálalasj aktavuodajn Justitiekanslerijen, Oadjodájmadagájn, Várrofábmuudagájn ja Nuppástimoahttsijen (DO) ássjijn gánnå aktugasj la oassebiele jali oassebiele sadjásasj.

11 § Tjuottjudusfábmuudagá galggi barggat vaj bargge gávnuji gudi suomagielav, meängielav ja sámegielav máhti gá la dárbo aktugattjaj aktavuodajn fábmuudagájn.

12 § Tjuottjudusfábmuudagá oadttu mierredit sierra ájgijt ja sierra sajev duostutjít guossididdje aktugattjajt gudi suomagielav, meängielav ja sámegielav ságasti, ja sierra telefávnnáájgijt adnet.

Riektá suomagielav, meängielav ja sámegielav duobbmoståvlájn ávkkit

13 § /Ådå namádissa X § U:2009-
Oassebielen jali oassebiele sadjásasattjan la riektá riektáássjen jali ássjen, lenariektá, diggeriektá, gittaåbmudakduobbmoståvlå, birásduobbmoståvlå jali jávrerieriektáduobbmoståvlå lunna duobbmogievlijn, mij állásit jali muhtem mudduj aktan gullu kommuvnaj Váhtjer, Haparanda, Giron, Bájil ja Övertorneå, suomagielav jali meängielav ávkkit riektáássje jali ássje giehtadaládijen, jus riektáássjen jali ássjen la tjanos soabmásij dájs kommuvnajs. Dan láhkáj aj sámegiella dakkár duobbmoståvlán duobbmogievlijn mij állásit jali muhtem mudduj aktan gullu kommuvnaj Árjepluovve, Váhtjer, Jåhkåmåhkke jali Giron, jus riektáássjen jali ássjen la tjanos soabmásij dájs kommuvnajs.

Riektá ávkkit suomagielav, meängielav ja sámegielav aj gábttjå duobbmoståvlájt gási duobbmo jali märrádus riektáássjen jali ássjen mij javladuvvá vuostasj biehen gujddiduvvá.

13 § /Fábmuj boahtá I:2010-02-15/
Oassebielen jali oassebiele sadjásasattjan la riektá riektáássjen jali ássjen tjuottjudusriektá, diggeriektá, gittaåbmudakduobbmoståvlå, birásduobbmoståvlå jali jávrerieriektáduobbmoståvlå lunna duobbmogievlijn, mij állásit jali muhtem mudduj aktan gullu kommuvnaj Váhtjer, Haparanda, Giron, Bájil ja Övertorneå, suomagielav jali meängielav ávkkit riektáássje jali

ássje giehtadaládijn, jus riektáássjen jali ássjen la tjanos soabmásij dájs kommuvnajs. Dan láhkáj aj sámegiella dakkár duobbmoståvlân duobbmogievlijn mij ållásit jali muhtem mudduj aktan gullu kommuvnaj Árjepluvve, Váhtjer, Jåhkåmåhkke jali Giron, jus riektáássjen jali ássjen la tjanos soabmásij dájs kommuvnajs.

Riektá ávkkit suomagielav, meängielav ja sámegielav aj gâbttjå duobbmoståvlåjt gåsi duobbmo jali märrádus riektáássjen jali ássjen mij javladuvvá vuostasj biehen gujddiduvvá. (Láhka 2009:857).

14 § Riektá ávkkit suomagielav, meängielav ja sámegielav riektáássjijn jali ássjijn duobbmoståvlåjn 13 § milta gâbttjå riektáv ássjetjállagijt ja tjálalasj duodastusájt vaddet dan giellaj, riektáv oadtnot dajt ássjetjállagijt ma riektáássjáj jali ássjáj gulluji njálmálattjat járggåluvvat dan giellaj ja riektá njálmálasj sjiehtadallamij duobbmoståvlå åvdân sáhkadir dav gielav. Duobbmoståvllå galggá ássjetjállagijt ja tjálalasj duodastusáv dárogiellaj járggålit, jus ij vuojnunagi la dåssjen.

Ietján galggá duobbmoståvllå aj rahtjat unneplågogielav ávkkit aktavuodajn oassebielijen jali oassebiele sadjásattjajn.

Gájkka riektáássjijn jali ássjijn ma gâbtjåduvví riektás suomagielav, meängielav ja sámegielav duobbmoståvlåjn ávkkit 13 § milta la oassebielen jali oassebiele sadjásattjan gänna ij la juridijkalasj viehkke, riektá oadtnot járggålum duobmov ja duobbmoorev jali märrádusáv ja märrádustielggimav tjálalattjat dan giellaj gå ádnu.

15 § Gut sihtá suomagielav, meängielav jali sámegielav riektáássje jali ássje giehtadaládijn duobbmoståvlân ávkkit 13 § milta galggá dav ádnot gå riektáássje jali ássje álgaduvvá jali vuostasj bále oassebielle galggá riektáássjen jali ássjen moalgedit.

Járggålimánulvisáv 14 § goalmát biehke milta galggá vahko sinna ádnot dat rájes gå duobbmo jali märrádus la diededuvvam, jus dakkár ánulvisáv ij la åvdebut ádnum riektáássje jali ássje giehtadaládijn.

Jus ánulvis unneplågogielav jali járggålimev ávkkit, ánoduvvá manjebut gå mij vuostasj ja nuppát biehkijn javladuvvá de oadtnu hilgoduvvatt. Dakkár ánulvisáv aj oadtnu hilggot jus la vuojnunagi hiebalgahtes ulmme.

16 § Jus oassebielen jali oassebiele sadjásattjan la riektá suomagielav, meängielav ja sámegielav gierregin ávkkit, galggá dâlkkå gâhtjoduvvatt märrádusáj milta 5 kap. 6-8 §§ och 33 kap. 9 § gierrekbálkan ja 50-52 §§ tjuottjudusprosässalágan (1971:291).

Suomagiella, meängiella ja sámegiella ávddåskåvllådåjman ja vuorrasijhuvson

17 § Gå kommuvnna tjuottjudusguovlon sajek ávddåskåvllådoajimmaj fällá 2 a kap. 1 ja 7 §§ milta skåvllålágan(1985:1100), galggá kommuvnna sajek fällat mánájda gej sujettoaddne dav rávkká ávddåskåvllådåjman gánnå ållés jali oase dâjmas li suomagiellaj, meängiellaj ja sámegiellaj.

18 § Kommuvnna tjuottjudusguovlon galggá sunji gut ádnu fällat máhettelisvuodav ållásav jali åsijt oadtnot dat fällam dievnastusás ja sujetos vuorrasijhuvso ráma sinna, barggijs gudi máhetti suomagielav, meängielav ja sámegielav. Dan láhkáj la aj kommuvnajda tjuottjudusguovlo

ålggolin, jus kommuvnani li bargge gudi gielav máhtti.

Tjuoldas

19 § Jus sierra oare gávnnuji oadtu ráddidus biejadusájt diededit vaj soames fábmudahka mij la ráddidusá vuolen galggá tjuoldastuvvat 8 § adnemis. Sämmiláhkáj la aj lánndadikkijda ja kommuvnajda ráddidusá fábmudahka jali fábmudagá galggi dåbelijtjuovvoma ávdás vásstedit. Dat dåbelijtjuovvomávdåsvásstádus ij ietjá fábmudagáj gähtjoávdåsvásstádusáv unned.

Dåbelijtjuovvom j.n.v.

20 § Tjuovvot galggá mak tjuottjudusfábmudagá dáv lágav anedi. Ráddidus diedet biejadusájt makkár fábmudahka jali fábmudagá galggi dåbelijtjuovvoma ávdás vásstedit. Dat dåbelijtjuovvomávdåsvásstádus ij ietjá fábmudagáj gähtjoávdåsvásstádusáv unned.

21 § Fábmudahka manna la ávddålítjuovvomávdåsvásstádus galggá aj rádevaddema, diededime ja sjimugis dajmaj baktu viehkedit ietjá tjuottjudusfábmudagájt lága adnemijn.